

Nwa wù fwe wù Bol gè san fε Timoti le Fiε fi le a Nwa wu Timoti wù fwe wunε le

Nwa wunε le wù fwe wù Bol gè san fε chumu wumu wù jee che gè bee Timoti le. Timoti gè bee muh wu Kletu, wù gè bee muh wu won wu Esia wù shige.

Mwεε mù Bol san kune mu a nwa we wù fwe wunε le, le muntεde. Fī fwe, wu jεme yo wu teefe ε bo yēne kune n'yεyε wù kooji gε antεnεε a bamii ba mbεmε. Wunε n'yεyε gè bee ε, won wù besabεn yεde kfunε le won wu kimbefε, muh tanlo wu gε wu kēme Mbvuse, gεh sege muh kee mwεε mumu mù le nyilε le bε sege muh chee kinche kimi gεh nje ki wu fānje ki wu jīi kfuu chi mwεε mumu bε ki wu nyû nje wu kεme kwεse kεnε jwεnse sεn.

Nwa wuyu jεme tε kune no tanlo Timoti gēε lεme che a kintaashe ki bamii ba mbεmε ntεnεε, bε no bamii būune Nyo. Wu ka sεnje kfuu chi kinge kī bikwεε bi bintaashe bi bamii ba mbεmε mo bamii ba feeji bo gee chilεme a bintaashe ntεnεε kεme ki bo kēme. Kimεε, le wu teefe Timoti no wu tanlo wu lēne nje mwa lεme wu Jiso Kletu wù jonε.

Bikwεε bi mwεε mù le a Nwa wunε le

1:1-2 Fεnkeε

1:3-3:16 Ntefε kune no bo gēε mwεε a kintaashe le bε kune bachiji bikwεε bi kintaashe

4:1-6:21 Ntefε kune no Timoti gēε lεme che

¹ Le mε wù Bol, nle mwa ntun wu Kletu Jiso no Nyo wù le Mbvuse wese besaben bε Kletu Jiso wù besaben γεede bvufee yi ye ye le, γε jemε le mε nyûme.

² Nsanje ηwa wunε fε wo le Timoti wù le mwa yan wù nchiεen yi mbεmε le.

Nyo wù Chii bε Kletu Jiso wù Tada wese besaben, bo dûnyε fitele fi jonε wo le, bo kôo yii fε wo le, bo nyâ wo bε nyiεgee.

Le Timoti chîde ban'yeyε ba chimbian

³ No ηgè ηku chiaan wo le sege ηgè ηγεene Masedonia, le wo shêε wo nyû Efesu, ηka ηkude chiaan le wo nyûme geh yo wu le wo chîde bamii baa ba yeyi kfuu chi n'yeyε wumu wù yeye.

⁴ Wo chîde tε le keefε bo jôde kife kiboo bo jeese yi mumaηa le mo yi ajee a bachiji chikfuu chi bamii a bo to bo tanε ba γεene geh lo yu fwe wo kage γε. Munε le mwεε mù too geh nyu bε bambeje, nyu γε bε ntan wù wu Nyo wù bii mbεmε le γε.

⁵ Fishan, fi fiεε fi nduu finε le ki ηgê le bamii kême kinjonε kî jade fε muntele mù yuude le, bε kî jade fε fitele fi muh wù gee fiεε fi ya sage γε wu γε, mo kî jade fε fitele fi nchiεen fi muh leese yi Nyo le.

⁶ Bamii bamu le bo chinε wa yinε je le bo jiine wa bo γεene nyu yi banjemε ba achiji le.

⁷ Bo goone ki bo nyûme bamii ba yeyi bamii bε banchi ba Nyo, geenε bo kee γε fiεε fi bo jεme kune fi kenε kinyi ki fiεε fi bo bεenyi yi fi le γε.

⁸ Besaben kee le nchi wu Nyo le fiεε fi jonε, nε muh jode nchi wuyu a je yî kooji le, no wu keme ki wu jôde.

⁹ Besabən kee tɛ lɛ gɛ ba gɛ gɛle nchi fɛ bamii ba le chaan le gɛ. Ba gɛ gɛle nyume fɛ bamii ba ɲgode banchi le, bɛ ba tɛɛme bikwɛɛ le, mo ba faɲe Nyo, mo ba gee bimbefɛ, mo ba yuude gɛ, mo bamii ba chiaase fiɛ kune Nyo, mo ba yuuyi bachiji baboo, kɛɛ babwee baboo, mo ba yuuyi bamii bamu.

¹⁰ Le tɛ fɛ bikɛse bɛ bilɛɲsɛ, ba jaɲe kinjan, mo fɛ bilɛɲsɛ ba gime fɛ bamu le. Le tɛ fɛ bamii ba choɲe bamii bo gɛɛne bɛ bo le, kɛɛ ba mbiane chimbian le, kɛɛ ba kane lɛ bo sɛɲe nchiɛɲ bo kane bo mbiane lo. Nyume tɛ fɛ ba gee mo nyume la fi bii gɛ n'yɛyɛ wù kooji le gɛ.

¹¹ N'yɛyɛ wunɛ bii saaka wù joɲe wù kuge wù le wu Nyo wù ba bɛɛɲse le. Saaka wuyu le wu ba gɛ nya chiaan yan le.

Bol nya kiyone fɛ Tada le yi yii yɛ wu gɛ kolɛ fɛ wu le

¹² Nnyaa kiyone fɛ Kletu Jiso wu Tada wese besabən wù le wu nya mɛ bvunɲa ki nlɛne lɛme che. Wu gɛ bee wu jɲɛ mɛ wu yɛɲ lɛ nle ɲkojɛ, wu mo wu baa mɛ lɛ nlɛne.

¹³ Mo no ɲgɛ nshee nyume fweele nɲɛme jɛ yɛ befɛ kune wu, mboone bikaa a bamii be jɲɛ, mɛ naanyi bo, geenɛ wu gɛ koo yii fɛ mɛne, nje ɲgɛ ɲgee yi kijibɛ le ɲkɛme gɛ wa mbɛmɛ gɛ.

¹⁴ Tada wese besabən gɛ dunyɛ kinɲonɛ ke yi ye yan le nyume gɛ kɪ wɛɛ gɛ, wu ge ɲkɛme mbɛmɛ bɛ kinɲonɛ no muh wù le yi Kletu Jiso le to wu kɛme.

¹⁵ Nɲɛmɛ wù lɛ Kletu Jiso gɛ to yi nshɛɲ le ki wu bvùsɛ bamii ba befɛ, le lo nchiɛɲ. Le nɲɛmɛ wù kooji wù muh wuchii bɛɛɲ wu mɛɲɛ gɛ. Mɛ kibɛɛ nle lo nfon kimbefɛ.

¹⁶ Geenε, Tada gè koo yii fε mεne, mε wù le nfon kimbefε wu le Jiso Kletu dûnyε yi ye yaη le, yii yĩ wu koo de bε bamii yĩ kage gε. Nle noo nje njinε fε bamii ba lé ba bεη wu le, bo gê bo kême kinche kĩ kage gε.

¹⁷ Nyo le Nfon wù nchensen wù kage gε, gε tanlo wu kwe gε, gε tanlo ba yeη wu le gε. Mε gεh wu maa wù le Nyo. Besaben nyáa ηgvune wu le, besaben bεηse jee che, segechii chi kage gε. Fi nyûme noo.

Lεme chí Timoti le wu lêne

¹⁸ Timoti mwa yaη, mε nyaa njεme wunε chiaaη yo le, mbii nyu mwεε mù bamii gè jεme wa kune wo nje bamii ba teede bantun ba Nyo, wu le mu gê mu fi wo, wo tûη jεη yĩ jonε.

¹⁹ Wo lême gεh yi mbεme wo le, wo yêge fiεε fi chuule fi fitele fiun jεme wo le. Bamii bamu le bo chinε wa ki bo yêge fiεε fi fitele fiboo jεme bo le, bo mo bo gwe yi mbεme wuboo le nje fitima fi a joo fε fi bweeyε.

²⁰ A ηgoo yiboo le, le Amenayu bε Aleksanda. Nle nya wa bo banε chiaaη yi Sataη le, wu le bo kême bvufee, bo lû bε jee chí Nyo chí bo cheηe bε chí.

2

Nteefε kune buune

¹ Fiεε fi fwe fi nlege mo fi nyume le, bamii ba Nyo búune fε bamii le bachii. Bo búune bo bēede fε Nyo le, bo ka lêge Nyo fε bamii bamu le, bo nyáa tε kiyone wu le.

² Bo búune fε banfon le, bε fε bamii le bachii ba le yi binta bí baan baan le. Bo búune noo wu le

tanlo besaben chêe kinche kî jiεε bε kî nyiεgee bε kî bamii ba Nyo, mo kî kεmε ηgvune yi jé le yichii.

³ Ki bee buune noo le fiεε fi jonε, fi kooji a Nyo jii wù le Mbvuse wese besaben,

⁴ wù goone le muh wuchii ge wu bônε bε le muh wuchii kêe nchiεεη.

⁵ Nyo le wu mumwaa, muh wù le antenεε a Nyo bε bamii le gεh tε wu mumwaa. Muh wunε le Kletu Jiso.

⁶ Le wu wù gè nya kikwεε ke ki wu sũuη bamii bachii yi ηge le. Fi finε le fiεε fi Nyo gè dunyε sege kife ki chuule gè kojε.

⁷ Nε fiεε fi Nyo gè balε mε le mε nyũme muh wu nfeje mo mwa ntũη wu Jiso bε le mε nyũme muh wu yeyi bamii ba le gε Bajuu gε. Gè bee ki n'yeyε bo bo leesε muntele yi Kletu le, n'yeyε tε bo bε nchiεεη. Gε fiεε fi njεme finε nyume mbiane lo gε. Njεme nyu nchiεεη.

⁸ Mε mo ηgoone le bilεηsε búune manjuu le manchii, bo chĩaase nyume chiaaη yĩ yuude we bo tũonyi gε shén gε, kεnε bo wáade gε.

⁹ Ngoone tε le bikese jĩide njú a je yĩ kũoji le yĩ dúunyĩ ηgvunε, mo yĩ bamii yεde le le yĩ kooji le. Keefε bo lũu bikwεε kεnε bo leese mwεε mù ba kεnyε bε kichwa ki bige kĩ yεede kεnε ajii a yéh yi ηgolonḡolo, kεnε njú yĩ tεeme kwa gε.

¹⁰ Bo sũuse ye yiboo nyume bε gee chĩ jonε njε bikese ba yεne le bo ηgvuune Nyo.

¹¹ Kwεse kεme ki wu nyá kikwεε ke kichii ki wu yēge lo n'yeyε, wu nyũme jwe wuchile.

¹² Mbaaη nya gε je le kwεse yēyi bilεηsε kεnε wu kēme bvũḡa a bilεηsε we gε. Wu kεme ki wu nyũme jwe wuchile.

¹³ Fi le noo nje le Adam wù Nyo gè ya fε, fε wu fε Iff.

¹⁴ Gε nyume Adam wù Satan gè lεlε bε wu gε. Le kwεse wù ba gè lεlε bε wu, wu ngodε nchi wu Nyo.

¹⁵ Mo no fi le noo, Nyo lé wu gè wu fih kwεse fede yi boyε le. Fi finε le fi nyûme fε wu mε gεh wu lême yi fitele fi wu leese yi Nyo le, wu kême kinjonε, wu chêe kinche kî yuude bε kî kême ngvunε.

3

No kinche ki bachiji bikwεε bi kintaashε ki bamii ba mbεmε kême ki ki nyûme

¹ Njεmε wumu le yu wù le nchiεεη. Njεmε wunε le lε: Muh nε goone kinta bε fitele fie fichii ki wu nyûme chiji kikwεε ki kintaashε, tu wu goone nyume lεme chî kême ngvunε.

² Chiji kikwεε ki kintaashε ki bamii ba mbεmε kême ki wu nyûme muh wù ba kême gε fiεε fi ba bêεme wu yi fi le gε. Wu kême ki wu nyûme juma kwεse wu mumwaa, wu gêe gε mwεε mu kinfu gε, wu kwâji mwεε chuule wu kême ngvunε, wu fii bantolo, wu kêe ki wu yêyi bamii.

³ Wu kême ki wu nyûme muh wù muu mbvuun mo koode gε wu gε. Wu kême ki wu nyûme nyiεgee bε bamii nâse gε, wu wâade gε waa gε, wu kême gε kinjonε ki bige gε.

⁴ Wu kême ki wu nyûme muh wù kee ki wu jînje fε kfuu che le chuule, wu gee boon be yuge wu le yi fiεε le fichii, bo ngvuune wu.

⁵ Nε muh kee gε ki wu jînje fε kfuu che le chuule gε, wu jienyε nεε ki wu jînje fε kintaashε ki bamii ba Nyo le?

⁶ Gε wu kεme ki wu nyûme muh wù chi baan gεh no wu kuse wu tu muh wu mbεme gε. Nε wu le wuwεε muh, wu ja segemu wu mo wu chîaase ye, wu já wu lêe nge le nje wu Satan.

⁷ Wu kεme tε ki wu nyûme muh wù bamii ba akfuun yede tε le wu le muh wù kooji. Fuge noo seη, wu já wu chôose kikwεε ke wu gwê a kintase ki debele le.

*No kinche ki bamii ba fii ki bo gee chilεme chi kintaashe
kεme ki ki nyûme*

⁸ Bamii ba fii ki bo gee chilεme a kintaashe ki bamii ba mbεme ntenεε kεme tε ki bo nyûme bô kεme kinje kî kooji. Gε bo kεme ki bo jême jé yifεε gε, keefe bo nyâ bikwεε biboo mbvuun ma wesee le gε, keefe bo nyûme bamii ba kune gεh nyu mbe wù achiji gε.

⁹ Bo kεme ki bo jîji kinyile ki fiεε fi Nyo le wu dunye wa besaben le kune mbεme, fiεε sage gε bo fe fitele le gε.

¹⁰ Nε ba le ba gεε bo yi lεme le, ba kεme ki ba yâ ba môn bo. Nε bo le bo dunye le gε bo kεme jiale gε, ba mo ba gêε bo, bo lêne nje bamii ba fii ki bo gee chilεme a kintaashe ki bamii ba mbεme ntenεε.

¹¹ Bikεε baboo kεme tε ki bo nyûme ba kεme kinje kî kooji, nyume gε ki bo fiεge kinfε gε. Gε bo kεme ki bo gêε mwεε mu kinfu gε. Bo kεme tε ki bo lême yi nchiεη le yi fiεε le fichii.

¹² Muh wu fii ki wu lêne lεme a kintaashe ntenεε wu kεme ki wu nyûme juma kwεse wu mumwaa. Wu kεme tε ki wu kêe ki wu bíji fe boon be le be fe kfuu che le chuule.

¹³ Bamii ba fii ki bo lène a kintaashε ntenεε bo nε lene chuule bo kēmε jee χi jone fε bikwεε biboo le, bo nyûme tε bo maŋe gε kune fitele fi bo leese yi Kletu Jiso le gε.

Fiεε fi kuge baan fi le fi mbεmε wese besabεŋ

¹⁴ N'yεnε lε shεgε wa shige ntô n'yêŋ wo le. Geenε nsanε mwεε munε fε wo le wu le,

¹⁵ nja lo nshe weseε, wo kēε no bamii kεme ki bo gēε mwεε antenεε a yeh yi Nyo yî le kintaashε ki bamii ba Nyo wù kεme kinche. Kintaashε kinε le kfu bε kichi kî jiji nchiεεŋ le.

¹⁶ Fiεε le yu fi kuge baan. Fiεε finε le fi gè shee fi nyume nyilε le kune mbεmε wese besabεŋ wù besabεŋ jεme, Nyo ge wa besabεŋ kεε. Fiεε finε le lε:

Wu gè be wu dunyε kikwεε ke yi nyan yi ye yi muh wu wuŋ le.

Kiyo ki Yuude gè dunyε muh wù le wu.

Banchendaa ba Nyo gè yεŋ wu le.

Bo gè feje kune wu bituŋ le.

Bamii gè leesε fitele yi ye ye le won wuchii.

Bo gè jo wu, wu bεεŋ we wu lee kijuse ki bvukugε le.

4

Kune bamii ba n'yεyε wu chimbian

¹ Kiyo ki Yuude jεme waan lε, lé gē nyûme kife kimi le, bamii bamu χînε mbεmε le bo yûge wa mwεε nyume a biyo bî lεede bε bamii le mo ban'yεyε ba banchendaa ba debele lε.

² Ban'yεyε banε lé bo gē bo tôo chiaaŋ yi bamii ba jienyi bo buuse bamii ba mbiane chimbian,

muntele muboo chii wa gɛh nje ba toŋ nyume bɛ kichvu.

³ Bo lé bo gɛ bo fâŋe lɛ keefɛ bamii tâashi bvuguu gɛ, bɛ lɛ keefɛ muh jîi kfuu chi mwɛɛ mumu gɛ. Mwɛɛ munɛ le Nyo gɛ fɛ lɛ bamii jîi, bamii ba kɛme mbɛmɛ bo ka kee nchiɛɛŋ doo bo jii bo nyâa kiyone Nyo le.

⁴ Fiɛɛ fichii fi Nyo gɛ fɛ joŋe lo, gɛ fimi nyume yu fi muh fâŋe gɛ, nɛ wu fii bɛ kiyone fɛ Nyo le,

⁵ nje njɛmɛ wù Nyo bɛ buunɛ ge wa fi tu fi yuude.

Mwa lɛme wu Kletu Jiso wù joŋe

⁶ Nɛ wo duunyi mwɛɛ munɛ boonɛ ba bwee wese besabɛŋ le, wo ge wo nyûme muh wu lɛme wu Kletu Jiso wù joŋe wu lɛyi kikwɛɛ ke bɛ jɛ yi Nyo yî le kune mbɛmɛ bɛ n'yɛyɛ wù joŋe wù wo bii wu le.

⁷ Keefɛ wo kɛme fiɛɛ fi wo gɛ bɛ mumaŋa mu achiji mu le nje mu kɛme fiɛɛ ki mu gɛ bɛ Nyo sɛŋ. Yɛyɛ kikwɛɛ kuŋ ki wo chɛɛ kinche nyume kî Nyo goone.

⁸ Ki muh ŋgûune ŋgune wu yaase ye, fi kɛme gɛh mbe fɛ wu le. Geenɛ ki muh chɛɛ nyume kinche ki Nyo goone, fi kɛme mbe fɛ wu le a jé le yichii, nje finɛ fiɛɛ kɛme maajɛ yi kinche kî mɛɛsɛ le, fi ka kɛme yi kinche kî too le.

⁹ Wunɛ njɛmɛ le wu nchiɛɛŋ, nyume njɛmɛ wu le wu kojɛ wu muh le wu bɛɛŋ wu le, wu ka maŋe gɛ.

¹⁰ Nɛ fiɛɛ fi bee luume bɛ lɛme chinɛ wesee nje bee le be leesɛ bvufɛɛ bwesa bvuchii yi Nyo wù kɛme kinche le. Nyo le Mbvuse wù bamii bachii, fede mwɛɛ munchii fɛ bamii ba le ba bɛɛŋ wu le.

¹¹ Wo yɛyi bamii bɛ mwɛɛ munɛ, wo duu lɛ bo gɛɛ mu.

¹² Keefe wo chîne le muh jôde wo fekkuu nje wo baan chumu ge. Wo nyume njine fe bamii ba mbeme le, a je yi wo jeme yi le be kinche kun, mo kinkele ki wo keme, mo fitele fi wo lese yi Nyo le, mo je yi wo gede ye yo le yi yude le.

¹³ Nyâ kikwee kun ki wo tene Nwa wu Nyo fe bamii ba mbeme le fe waan, wo ka feeji je yi Nyo, wo yei te bo geen bu sege nle nge ntô.

¹⁴ Keefe wo non nya yo ge. Nnya yine le yi ba ge nya wo le sege ngoo yi bachiji bikwee bi kintaashe bi bamii ba mbeme ge gele chiaa yiboo yi ye yo le, ntun wu bamii ba ntun wu Nyo to fe wo le.

¹⁵ Nyâ kikwee kun yi mwee mune le, wo gee mwee mune munchii bamii bachii yede ngen fwe wo le.

¹⁶ Wo yene be kikwee kun mo be n'ye ye wo. Wo ji yi chuule wu le no wo gee noo, wo ge wo bvuse kikwee kun, wo bvuse te mo bamii ba yuge fee fi wo jeme le.

5

Ntefe no Timoti gee be bamii ba mbeme

¹ Keefe wo doo wo naji muh ngamu wo wame lo wu ge. Geen, tefe lo wu nje chijo. Wo jode chu yi bamii nje boon ba bwoo.

² Wo jode te biese ba ngaamii nje babwoo, wo jode ngoon yi biese nje jeme yo, wo jine bo a je yi yude le yi fee le fichii.

No tanlo kintaashe jine fe bankefku le

³ Wo jine fe bankefku le bo keme ge lo muh wu jine fe bo le ge.

⁴ Geen, kefku ne keme boon, kene boon ba boon, ba ye ye bo ki bo gee leme chiboo chi mbeme,

ki bo jiiŋe tɛ fɛ babwee baboo le no ba gɛ jiiŋe fɛ bo le. Fi finɛ fiɛɛ le fi kooji a Nyo jii.

⁵ Kwɛŋkfu wù le kwɛŋkfu wù muh baan gɛ yu wù jiiŋe fɛ wu le gɛ, le wu jiiŋe gɛh wa fwe yi Nyo le, wu buune segechii wu beede fɛ Nyo le antan bɛ fɛnshɛ.

⁶ Geenɛ, kwɛŋkfu wù jienyi fie wu jii nyume kikwɛɛ ke, le wu kwe wa mo no wu baan wu jienyi awe.

⁷ Wo jɛme mwɛɛ munɛ bo le, wu lɛ fɛ bamii ge bo ja bo bɛɛme bo gɛ.

⁸ Nɛ muh le nje wu jiiŋe fɛ kfu che le, fede mwɛɛ munchii a wu yeh sɛŋ tu wu le wu fan wa kinche ki bamii ba mbɛmɛ. Wuwɛɛ muh le gee che fo cha chi fe chi muh wu le gɛ muh wu mbɛmɛ gɛ.

⁹ Kwɛŋkfu wù tanlo ba leesɛ jee che a ngoo yi bakwɛŋkfu le, wù ba fiih wu kɛme ki wu nyume wu bu wa biluŋ mbanjbvuso, wù gɛ bee kwɛ jwɛŋsɛ wu mumwaa.

¹⁰ Le wù ba kee chuule lɛ wu kɛme kingɛ kɪ jone. Fi nyume le: Wu lɛyi boon be a je yɪ kooji le, wu fii bantolo a wu yeh, wu chugɛ wa tɛ bikaa bi bamii ba le ba Nyo, wu fi wa bamii ba ŋgɛ, wu nya kikwɛɛ ke ki wu gɛɛ lɛme chi jone jé le yichii.

¹¹ Geenɛ, keefɛ wo bɛɛŋ ki wo lɛese bakwɛŋkfu ba baan góon yi bikɛse ngoo yi baa ba bo fiih le gɛ, nje ye yiboo ja yi kɛ yi ŋwɛɛŋe bo, bo mo bo dáaye ŋka wù bo gɛ gɛɛ bɛ Kletu, bo mo bo góone ki bo káase bo gɛɛŋ bo táasɛ bvuguu bɛ bilɛŋsɛ bamu.

¹² Nɛ bo ge noo, tu bo jo wa ŋgɛ yi bikwɛɛ biboo le nje bo le bo ŋgodɛ wa ŋka wuboo wù fwe.

¹³ Fi ŋka ntaa fo le lɛ, nɛ wo leesɛ bo ngoo le, bo ja bo nyume wa bamii ba shiide gɛh lo bo laamɛ, bo wɛde yeh yi bamii le bo danse lo. Gɛ kagɛ lɛ bo lé

bo shiide bo laame lo ge, bo lé bo fiége te kinfié, bo lêese de fe mwée mu bamii le, bo jême mwée mù bo bee ge ki bo jême ge.

¹⁴ Noo me mo nteefe bakwengkfu ba baan góon yi bikese le bo kâase bo gêen bo tâashe bvuguu be bilense bamu, bo bôo boon, bo jîne fe yéh yiboo le, keefe muh wu kimbané gé wu já wu lêen ajin wu chênge be jee chesa ge.

¹⁵ Njeme ne nje bamii bamu le bo jiaa wa je bo tu nyume kimbe ki Satan le.

¹⁶ Ne kwese wù le muh wu mbeme wù keme bakwengkfu a kfu chiboo le wu fiih bo, wu le keefe kintaashe ki bamii ba mbeme tûude bvujije ge. Kintaashe fiih nyume bakwengkfu ba nyume lo lebolebo.

Fié fi bamii ba mbeme keme ki bo gée fe bachiji kintaashe le

¹⁷ Bachiji bikwée ki kintaashe ki bamii ba mbeme ba lene chuule ba keme ki ba nyâa ngvune be maaje bo le chuule fede mwée munchii, bachiji bikwée ba feeji te je yi Nyo bo ka yeyi bamii.

¹⁸ Ba keme ki ba nyâa noo nje Nwa wu Nyo duu le,

“Keefe wo shûude jwe wu nyan sege yi jié agin ge.”
Fi ka nyume te le, “Muh wu leme keme ki wù keme nlané we.”

¹⁹ Keefe muh yu wu some Chiji kikwée ki kintaashe kimi wo le, wo mo wo bêen wu le nje bamii leen bafé kene batéde bo bee jin yi nsa wuyu sen ge.

²⁰ Ne le bo baa bo me geh bo gee kimbefe bo géene fwe, wo wame bo a bamii bachii jii wu le bamu baa fân.

21 Njeme finε wo le a Nyo fwe bε Kletu Jiso mo banchendaa ba Nyo le wu baa le, wo gēe fiεε fi nduu finε wo bēeyi gε jin yi muh mu gε, wo gēe fiεε wo duunyi gε yeye yeye gε.

22 Keefe wo lūume ki wo gēede chiaaŋ yi muh le le wu nyūme chiji kikwεε ki kintaashe ki bamii ba mbεme le gε. Keefe wo lêese fiuŋ chiaaŋ fε kimbefe ki muh mu le gε. Wo gēede kikwεε kuŋ ki yuude.

23 Keefe wo mūu gεh nyu joo maa gε. Wo mūu tε mbvuun shige nje tee chuŋ bε no wo chene lefolefo.

24 Bimbefe bi bamii bamu to bi yene chige bi duunyi le bo le bo gwe wa nsa, bi bamu jode kife fε bi yēne.

25 Le gεh yεŋyεŋ no gee chi joŋe chi bamii bamu to chi yene. Mo chi baan yaŋse gε chi yene gε, tu gε chi nyume chi mε gεh nyile le gε.

6

Gee chi nfwa wū le muh wu mbεme keme ki wu kēme

1 Bamii bachii ba le akuu a kimbun ki bvunfa keme ki bo nyāa ŋgvune jé le yichii bamii ba keme bo le. Bo gēe noo, wu le keefe bamii jēme jé yi befe kune jee chi Nyo mo n'yeyε wese besabεŋ gε.

2 Keefe nfa yi bamii ba keme bo, ba le bamii ba mbεme mo bo jōde bo fεkuu nje bo bachii le boon ba bwe mwa yi Kletu le gε. Bo keme ki bo lêne lo fε bo le bo fede lo, nje bamii ba keme maaje wu lεme chiboo le bamii ba mbεme, nje bo koŋe bo chuule.

Bamii ban'yeyε ba chimbian bε bvukugε bvū kooji

Wo yēyi bamii bε mwεε munε, wo tēde bo le le bo gēe mu.

³ Nε muh yeyi n'yeyε wumu yeye wù bεme γε n'yeyε wù kooji wù wu Tada wese besabεη wù Jiso Kletu mo n'yeyε wù kooji bε kinche kǐ Nyo goone,

⁴ tu mwεδε chiaase nyume ye yǐ achiji wu kee γε fiεε γε. Wuwεε muh chεne bε kincheη ki bambeje bε kintεenyε ki jε yǐ too bε kindon kǐ bεne mo waa mo banchun mo ki ba biine muh bε banƙwaje ba befe,

⁵ mo jwe wu waa antεneε a bamii ba le bvufee bvuboo leη wa bo leεε nchiεη. Bo gee noo bo kwaji le fiεε fi Nyo, le je yimi yǐ bo ku yu.

⁶ Geenε nε muh chee kinche ki Nyo goone wu ka yuge njon bε fiεε fi wù kεme, tu le bvukugε bvù baan,

⁷ nje besabεη geh to won ƙfunε le chiaaη chiaaη, besabεη nyume be ge be tu jin chiaaη chiaaη.

⁸ Noo besabεη kεme mwεε munjile bε njú, tu munε le mu koje fε besabεη le.

⁹ Geenε bamii ba goone ki bo nyume bamii ba bvukugε to bo lese mmon le, bo jo a kintase le, bo mo bo lee ƙinƙonε ki mwεε le weseε mu kiyun mù too bε banje. Mwεε munε le mù fuune bamii ηge le, nyu mù leεshi lo bamii.

¹⁰ Chikfuu chi mwεε mù mbefe munchii jade nyume fε ƙinƙonε ki bige le. Le nje ƙinƙonε kǐ baan kine kǐ bamii kεme fε bige le kǐ bamii bamu ba le bo jiaa wa je yi mbεmε wuboo, bo boonyε muntele muboo bε mwεε mu nsaase weseε.

¹¹ Fε wo le Timoti, wo le fiun muh wu Nyo. Wo lêge lo fiun mwεε munε muchii. Wo jline nyume ki wo kεme kinche ki chaan mo kinche ki Nyo goone. Wo jiji mbεmε wo le, wo kεme ƙinƙonε, wo kâne shén, wo kεme tε kinche kǐ nyiεgee.

¹² Wo jûu bvujû bvû mbemê bvû jonê. Wo jîji kinche kî kage gɛ kî ba gè tɛnɛ wo lɛ wo lee kî le, wo gè lɛɛŋ a bamii ba duude fwe bo bɛɛ jîŋ yi nsa wo, wo gè jɛmɛ chuule kune mbemê wo.

¹³ Mɛ mo ntu njɛmɛ wo le a Nyo jii wù nyaa kinche kî mwɛɛ munchii, mo a Kletu Jiso jii wu gè lɛmɛ fwe a Bontu Balet wu jɛmɛ fiɛɛ fi kooji bɛ jwe we kune kikwɛɛ ke,

¹⁴ njɛmɛ lɛ wo gêe mwɛɛ mù nduu munɛ wo gɛ kɛmɛ ngilɛ gɛ, fiɛɛ nyume yu fi muh bɛɛmɛ wo yi fi le gɛ, gɛɛŋ bu kife kî Tada wese besabɛŋ wu Jiso Kletu lé wu gê wu bûnɛ.

¹⁵ Wu lé wu gê wu bûnɛ nyume yi kife kî kooji le, kî le kî dunyɛ Nyo wù bo yuuse, mɛ gɛh wu wù sage mwɛɛ munchii, nyume Nfon banfon mo Tada wu batada bachii.

¹⁶ Mɛ gɛh wu maa wù tanlo wu gɛ kwe gɛ, wu chee yi n'yuw wù tanlo muh gɛ kɛŋsɛ mbebe le gɛ. Muh gè baan a yu gɛ wu yɛŋ wu le gɛ, gɛ tanlo muh yêŋ wu le gɛ. Ngvunɛ le fɛ wu le bɛ bvunga bvù kage gɛ. Fi nyûme noo.

¹⁷ Doo tu a kimbe kî bamii ba kwa ba yi won kfunɛ le, wo jême bo le lɛ keefɛ bo chîaase ye gɛ. Keefɛ bo lêesɛ bvufɛe bvuboo yi bvukugɛ bvù tanlo bvû ja bvû ka le gɛ. Bo lêesɛ bvufɛe nyume gɛh yi Nyo wù mone wu chvuge lo mwɛɛ munchii besabɛŋ le lɛ besabɛŋ yûge njon bɛ mu.

¹⁸ Bo gêe nyume mwɛɛ mù njonɛ, bvukugɛ bvuboo nyûme mwɛɛ mù njonɛ mù bo gee. Bo gwênyɛ chiaan yiboo bo nyâa nnya bo jiinɛ gɛ.

¹⁹ Yinɛ le je yî tanlo bo gêede chvu fɛ bikwɛɛ biboo le yi fɛwɛge njɛ kinche kî too le. Noo bo mo bo kɛmɛ kinche nyume kî le kishaŋ.

²⁰ Timoti, wo jĩne fe fiεε fi ba gεle chiaaη yo le. Wo wêene lo be banjεmε ba kεme gε fiεε fi bo ge be Nyo gε mo banjεmε ba kintεenyε ki bamii kwaji le le ba bvufee.

²¹ Bamii bamu le bo ja wa ki bo kuηe mwεε munε, bo mo bo jiaa je a kimbe ki mbεmε wuboo le. Tada dûnyε fitele fi joηe fe beη le.

Nchane (Ncane)
The New Testament in the Ncane language of
Cameroon: Nchane (Ncane) (New Testament+)

copyright © 2020 Wycliffe Bible Translators, Inc.

Language: Nchane (Ncane)

Contributor: Wycliffe Bible Translators, Inc.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-16

PDF generated using Haiola and XeLaTeX on 16 May 2025 from source files dated 16 May 2025

5108ebb0-51ad-5d6b-94ef-93cc302ed337